

JU ZAVOD ZA MEDICINU RADA KANTONA SARAJEVO, Bulevar Meše Selimovića 2. Sarajevo, koga zastupa direktor Dr sci.med. Mirsad Čabaravdić, dr.med., spec.med.rada (u daljem tekstu: davalac usluga) i

JU „PETA GIMNAZIJA“ SARAJEVO, Senada Poturka Senčija bb, koju zastupa direktor Mr. Sejad Šenderović (u daljem tekstu: korisnik usluga),

zaključili su dana 12.06.2017.godine

U G O V O R **o obavljanju sistematskih ljekarskih pregleda**

PREDMET UGOVORA

Član 1.

Ovim Ugovorom, regulišu se međusobni odnosi ugovornih strana, u vezi usluga obavljanja sistematskih ljekarskih pregleda zaposlenika korisnika usluga, u pogledu sadržaja pregleda, cijene i uslova plaćanja, organizacije samih pregleda, roka izvršenja i drugo.

SADRŽAJ PREGLEDA

Član 2.

Ugovorne strane su saglasne da okvirni sadržaj pregleda obuhvati :

1.1. Sadržaj pregleda

- Laboratorijski standard (SE, KKS, ŠUK, urin)
- EKG sa interpretacijom,
- pregled neuropsihijatra
- pregled specijaliste medicine rada (opći pregled).

1.2. Dopunski sadržaj pregleda (realizira se prema potrebi)

- RTG pluća.

1.3. Dopunski pregledi (prema čl.33 Kolektivnog ugovora za djelatnost srednjeg obrazovanja KS - "Sl. novine KS, broj: 42/16")

1.3.1. ultrazvuk abdomena

1.3.2. ginekološki pregled za žene (ginekološki ultrazvuk, ginekološki pregled, Papa test, palpatorni pregled dojki)

1.3.3. ultrazvuk dojki

1.3.4. ultrazvuk prostate

1.3.4. tumor marker prostate (PSA t)

CIJENA I USLOVI PLAĆANJA

Član 3.

Cijena pojedinačnog pregleda, sa navedenim sadržajem pod 1.1. iznosi **35,00 (tridesetpet) KM**.

Cijena pojedinačnog pregleda, sa navedenim sadržajem pod 1.2. iznosi **10,00 (deset) KM**.

Cijene pregleda nevedene pod 1.3. iznose :

1.3.1. ultrazvuk abdomena	30,00 KM
1.3.2. ginekološki pregled za žene (ginekološki ultrazvuk, ginekološki pregled, Papa test, palpatorni pregled dojki)	60,00 KM
1.3.3. ultrazvuk dojki	20,00 KM
1.3.4. ultrazvuk prostate	15,00 KM
1.3.4. tumor marker prostate (PSA t)	25,00 KM

U cijenu pregleda uključena je i izrada završnog Izvještaja o obavljenim pregledima, sa ocjenom radne sposobnosti i statističkom analizom obavljenih pregleda po dijagnozama.

Član 4.

Plaćanje će se izvršiti po obavljenim pregledima, i po ispostavljenoj fakturi, u zakonskom roku. Završna faktura će biti izražena prema broju ostvarenih pregleda, odnosno zaposlenika koji su pristupili pregledu. Zdravstvene usluge, koje su predmet ovog Ugovora oslobođene su plaćanja PDV-a, na osnovu člana 24. stav 1. tačka 2. Zakona o porezu na dodatu vrijednost, te člana 25. stav 1. tačka 1. Pravilnika o primjeni Zakona o porezu na dodatu vrijednost

ORGANIZACIJA PREGLEDA

Član 5.

Pregledi će se obaviti u dogovorenom terminu, između ugovornih strana.

Član 6.

Korisnik usluga će svoje zaposlenike uputiti na pregled, dana 30.06. i 01.07.2017.godine, samo ukoliko je najmanje jedan dan ranije, dostavio njihova imena na faks: 712-446 ili na e-mail: zzmrs@bih.net.ba.

OSTALE ODREDBE

Član 7.

Davalac usluga se obavezuje, da će ugovorene preglede obaviti profesionalno / na najkvalitetniji način i u skladu sa medicinskom etikom.

Član 8.

Pitanja koja nisu regulisana ovim Ugovorom, ugovorne strane će rješavati sporazumno.

Član 9.

Ugovor stupa na snagu danom potpisivanja.

Član 10.

Ovaj Ugovor je sačinjen u četiri (4) istovjetna primjerka, od kojih svaka ugovorna strana, zadržava po dva (2) primjerka za svoje potrebe.

ZA KORISNIKA USLUGA

Direktor

Sejad Šenderović

Broj: 01-1164/2017.
Sarajevo, 16. 06. 2017.




ZA DAVAOCA USLUGA

Direktor

Dr sci.med. Mirsad Čabaravdić, dr.med.
spec.med.rada

Broj : 01-10-505-2/17
Sarajevo, 12.06.2017.godine



Pripremila: Derviškadić Sabina

Kontrolisao:

Mehmedović Midhat, dipl.iur, sekretar Zavoda